



第一〇九册

四庫全書



●上海古籍出版社

本冊目次

儀禮	儀禮	補經	宮室	天子肆獻裸饋食禮	儀禮釋宮	儀禮
析疑	章句	禮	考	禮	增注	小疏

清方苞撰……………一	清吳廷華撰……………二八九	清諸錦輯……………四八九	清蔡德晉撰……………四九九	清任啓運撰……………八〇一	清任啓運撰……………八二七	清江永撰……………八八三	清沈彤撰……………八九九
------------	---------------	--------------	---------------	---------------	---------------	--------------	--------------

欽定四庫全書

經部
儀禮析疑卷三

詳校官監察御史臣陳化龍

給事中臣溫常綬覆勘

總校官原任中允臣王燕緒

校對官中書臣張曾效

謄錄監生臣徐汝樞

欽定四庫全書

經部四

儀禮析疑

禮類二 儀禮之屬

提要

臣等謹案儀禮析疑十七卷

國朝方苞撰苞有周官集注已著錄是書大指在舉儀禮之可疑者而詳辨之其無可疑者並經文不錄苞于三禮之學周禮差深晚年自謂治儀禮十一次用力良勤然亦頗勇于

欽定四庫全書

儀禮析疑

自信如士冠禮緇布冠缺項鄭康成讀缺如頰弁之類教繼公則謂以緇布一條圍冠為缺項別以一物貫之其兩相又以纓屬自來講儀禮者多用其說苞謂既有紒以束髮無為又以緇布圍冠據經文乃以青組為緇後屬缺項而前繫于兩相以結于頤下不知鄭氏讀缺為頰固為改字而別注云項中有緇疏謂兩頭皆為緇別緇穿緇中結之廣韻訓

經為闕類篇曰經結也則鄭之此注大可依據明是缺項有布為之結然後加繩教繼公說猶有未詳苞則去教氏更遠矣士昏禮納徵元纁束帛苞云致幣之儀不具何也士庶人所通行人皆知之夫經文儷皮以下既曰如納吉禮則非以人所通行而畧之也且束帛為十端詳于周禮鄭注禮記禮記注十箇為束二端向相卷之共為一兩苞第云執一兩以致辭則一兩不知為何語矣有司徹侑俎二字蓋總挈羊左肩左肱以下下節俎俎則以起羊肺諸品而苞以前文有侑有俎謂此衍文果如所說則與下階俎不配皆不詳考之故也然其用功既深發明處亦復不少于士相見禮辨注謂賓反見即有燕禮之非辨張侯下綱之文所以見于鄉射而不載于大射儀之故皆由周禮以通之于聘禮公答

再拜擯者出立于門中以相拜以為待公既拜然後反還振幣于覲禮侯氏近于惟門之外再拜解使者不答以王命未宣不敢受拜禮皆細心體認合乎經義其他稱是者尚夥檢其全書要為瑜多子瑕也乾隆四十四年十月恭校上

總纂官_臣紀昀_臣陸錫熊_臣孫士毅
總校官_臣陸費墀

欽定四庫全書

儀禮析疑卷

翰林院侍講衛方苞撰

士冠禮

古者十五入大學九年而後出學冠者不宜有任職之士其用士禮與昏禮之禮事同乃攝盛也蓋公卿大夫元士之適子並入成均即士之庶子亦恒為學士舍不帥教而屏之遠方鮮不登于天府者故其始

欽定四庫全書

儀禮析疑

冠俾攝用士禮及三十而娶則有九年出學而升於司徒升於大學升于司馬者故攝用大夫之墨車若農工商之子雖能為學士而其父非任職之士冠不得用士禮其室居不足以陳服器親賓不足以展禮儀也疏義支離皆緣鄭註任職居士位必欲強伸其說謂冠者身為士故援喪服小功章大夫為昆弟之長殤以證之喪服小功章大夫公之昆弟大夫之子為其昆弟庶子姑姊妹之長殤以兼公之昆弟大

夫之子故不得去兄與姊乃割截經文曰大夫為其

昆弟而謂兄為殤則大夫之冠不以二十其謬顯然

前儒莫辨以未詳讀經文故耳至小記之文乃丈夫

冠而不為殤而疏作大夫則其誤又不待辨矣既謂

大夫冠不以二十故據太戴禮公冠篇謂公冠四加

又據家語冠頌謂王太子之冠擬公不知公冠篇四

加元冕不過約此經三加爵弁而意為之說冠頌則

又傳會公冠篇而為之說耳天子之元子士也天下

欽定四庫全書

儀禮析疑

無生而貴者則其為妄說明矣

如其古士三加用爵弁其上服也公侯當

以衆冕爲冕為四加而以元冕何義乎陳氏

祿通又謂天子之冠宜五加皆無稽之言

諸侯十二而冠因援尚書王與大夫盡弁而以大戴

記文王十三而生伯邑考證之不知成王之時周邦

新造三叔流言多方攜貳故禮以權制既葬而冠如

家語所云是不可知若千八百國之諸侯上統于天

子下監以方伯連帥夾輔以守卿嗣子幼弱正當從

容督教以徐觀其性行必象賢而後繼世不宜定為

十二而冠之禮以長其驕情也秦王政年二十有一而冠載在秦紀則變易周公之典禮者至少可知矣

魯襄公之冠或衆周恩禮晉侯不察而使魯行焉至文王十三而生伯邑考則理必無之詩曰文王嘉止

大邦有子適當其年之謂也周公自述父母之事列

於雅歌豈反有不信而可以虜言亂之乎蓋漢平帝

生九年而嗣立三年而薨以其女配焉故劉歆承其

意竄此於大戴記以示文王早婚亦年十有二云爾

欽定四庫全書

儀禮新疏

筮于廟門

凡朝聘饗食及冠昏之禮事皆行于廟堂而筮則于

門外何也天子則普天之下莫非先王之臣庶也諸

侯則二國之先君固比肩王朝而同方巖者也士大

夫之姻親朋友亦可以祖宗臨之下筮外神故用事

于廟門之外以獨伸其尊及嘗禘郊社尊無二上之

義也

主人玄冠朝服縹帶素鞶卽位于門東西面

主人註謂父兄非也若兄可主則將冠者不宜紉而迎賓二弁非私家所服故用玄冠門東闕外之東偏也

以筮人進受命于此知之

有司如主人服卽位于西方

註謂有司主人所自辟降府史以下非也府史胥徒

乃庶人在官者豈得與主人同朝服而卽客位蓋族

黨內中下士也周官黨正職凡其黨之祭祀喪紀冠

昏飲酒教其禮事

欽定四庫全書

儀禮新疏

卷一

筮人

宗人

使其屬監臨而教戒之況士之子既冠而得見于君

見于卿大夫鄉先生者乎

士喪禮公史據

所謂筮人宗人

卽閭胥中明筮習禮者所謂宰卽所屬之閭胥所謂

賓卽他族之師也黨正掌冠昏之禮事正以有司蒞

事者可於五族中各擇其所知耳故繼公既覺註疏

之非而曰宰宗人筮人皆公家所使給事於私家者

不知春官所屬之筮人僅下士二人豈能及私家禮

事而尚書載記所稱宗人則官中之師與司宰則六

職中並無此官也。惟取于族黨中明筮習禮者其人。本中士下士故可假以筮人。宗人之稱亦猶夏官之兩司馬公司馬耳。二十五人之長在鄉曰閭。胥在遂曰里。宰故命筮告期皆贅主人以主人則家之尊閭胥則邑之長男女始生必書于閭史故冠昏之禮莅事者必閭胥也。惟國中之士實贅有司或取諸官中及他官之僚屬若鄉遂公邑縣都則舍同黨五族之士安所取哉。如主人為中士下士之不命者則宰祝

欽定四庫全書

儀禮集說

筮與席所卦者具饌于西塾

所卦者註謂所以畫地記爻似未安。土可以木畫若地已覺則木畫不能成爻且可分陰陽而不能別老少。又人所踐踏畫爻於其上非所以尊筮也。少牢饋食禮云卦以木蓋以木為小方刻老陰老陽少陰少

陽于其上各六方四營成易則釋一爻六爻備乃以筆別書于大方以占玩耳。所卦者謂所以為卦之物也。若以木畫則當稱名如札畢等卦之類不宜曰以木。曰所卦者蓋以木為四象故不敢別為之名。筮人執筭

欽定四庫全書

儀禮集說

易大傳乾之策二百一十有六坤之策百四十有四筭乃蓍之正名也。句中有二筮故實指其物而易以筭言之法宜然。然氏謂此傳寫之誤證以特牲少牢皆云執筮按特牲筮人取筮于西塾執之少牢左執筮于大義皆不必易筮以筭則此非傳寫之誤也。卒筮書卦執以示主人

書卦即卦者書之也。以緊承上文卦者在左又特牲少牢有明文故不復言卦者書卦耳。至此始言書卦則上文所卦者謂刻識陰陽老少之木而非以木畫地明矣。

若不吉則筮達日如初儀

下始云徹筵席明即于是日再筮也不能則當如少牢禮云不吉則及遠日又筮日如初

主人再拜賓答拜主人退賓拜送

鄉飲酒鄉射主人戒賓賓拜辱主人退賓又拜辱疏謂此篇丈不具禮則宜同非也鄉大夫與賢能州長禮先于學士或州之公士自當拜其辱以僚友而請賓以冠其子何為拜其辱哉義各有當也

前期三日筮賓如求日之儀

欽定四庫全書

儀禮集說

七

乃宿賓

註云宿進也疏謂義與達同景祭統前期旬有一日宮宰宿夫人似不宜以進與達為義蓋先事而與之

要也

擯者請期宰告曰質明行事

筮日請命于主人而宰贊為期則宰專命而主人不與何也擇日以行禮主人之家事可自尊也為期則期衆賓兄弟有司以時至以里宰命之則儼若承黨正之教戒矣問各里宰凡事掌說徒到使宰命告者亦所以肅禮事故主人不敢與也昏冠掌于黨正國法行焉故筮日宰亦贊

命

欽定四庫全書

儀禮集說

八

擯者告期于賓之家

正賓或有國事喪疾不及更筮必以擬筮之次賓攝則次賓亦宜告主人親宿贊冠者禮同於賓亦宜告獨舉賓則兄弟有司既告於其位不復告于家矣陳服于房中西牖下東領北上

贊者立于房中負東牖將冠者房中南面當戶近于西故服陳西牖下取之便也凡著衣必挈其領故東領亦取之便也

玄端玄裳黃裳雜裳可也

此為緇布冠陳之緇布冠乃庶人所常著始加用之
明身本庶人也三加而至爵弁亦賓雅肆三之義

黃裳雜裳有司及衆賓可用主人正賓冠者必冠裳
同色

緇布冠缺項青組纓屬于缺纓纓廣終幅長六尺

下經賓受緇布冠右手執項左手執前則缺項即謂

緇布冠後當項處缺之故氏謂以緇布一條圍冠為

欽定四庫全書

儀禮集說

九

缺項別以一物貫之兩相又以纓屬皆非也既有紒

以束髮無為又以緇布圍冠據經丈乃以青組為纓

後屬缺項而前繫于兩相以結于頤下耳今曲燕士

大夫燕居之冠後多兩歧以組屬之以便或卷而高

或垂而下間巷閒人則出入皆冠之疑上古之緇布

冠制類此

爵弁皮弁緇布冠各一匪執以待於西站南南面東上

賓升則東面

待于西站南賓升自西階負西序而立取之便也賓

未升執匪者南面賓升時面宜鄉之也賓既升則東

面以賓自筵前降取冠弁在西階上之東宜東面以

授之若早東面則賓升時背之矣服可以陳於筵

爵可以奠於筵而冠弁必執以待示將冠者以自敬

其身之義也

主人玄端爵弁

不言冠者篇首朝服用玄冠則玄端之冠不待言矣

欽定四庫全書

儀禮集說

十

兄弟畢袞玄

玉藻無君者不貳采謂未仕及去位者衣裳上下同

色也此兄弟蓋未仕者袞玄即所謂不貳采也衆皆

袞玄即閒有已仕者亦降服以從同故曰畢也故氏

謂盡服玄端則經文宜曰畢玄端此經于主人擯者

玄端之中特揭袞玄而昏禮于從者曰畢玄端於女

從者曰畢袞玄則異制明矣伯叔父不與何也不

可與主人同位于序端不可與兄弟同立于洗東也

贊者玄端從之

敖氏謂贊者以下之眾賓皆俟于賓之門從之立于主人之門外非也鄉大夫與賢州長習射國政也故羣士承之而有此禮冠則實贊之外執事者皆私臣也即親黨中有來觀禮者亦不宜俟于賓之門

主人揖贊者與賓揖先入每曲揖

主人當與賓讓而入故揖先贊者後賓然後每曲與賓揖而贊者從之也

欽定四庫全書

儀禮集說

主人升立于序端西面

冠者筵于東序少北則主人惟序之北端可立敖氏謂不立於東序辟子之坐且不參冠禮非也使主人立于東序則迫近冠者之筵而礙執事者之往來立于序北端正臨視冠者之禮儀而曰辟其坐義無所處

贊者盥于洗西升立于房中西面南上

贊者一人而云南上故註疏皆謂與主人之贊者序

但主人贊者陳衣後更無房中之事則此經南上乃

所立之地宜近南非與人列序也

爾下經敖氏直一物而曰南順注云北

為蓋冠者在房中南面贊者西面必立于其南乃可

相親如立于北則冠者非側身不能見又席東鄉西

鄉以南方為上則無席而立者亦宜南上

主人之贊者筵于東序

不舉冠者之筵經記有明文也實贊之事條舉之則布冠者之筵陳服執冠弁與徹之不目其人並屬主

欽定四庫全書

儀禮集說

人之贊者可知矣

贊者卒

不言卒纓以兼治其屬于缺者統言卒乃可以該之冠者興賓揖之適房服玄端爵韠出房南面

據經文似冠者自服而出蓋被服束帶納屨事聚且自成童已習為之故不敢以煩贊者敖氏謂贊者

為之未知何據

服素積素釋容出房南面

實之容在始加之先示冠者以威儀宜于冠之始也
冠者之容在再加之後示衆人以威儀宜于服之盛
也

服纁裳黹黼

始加舉玄端爵韠而不言裳以陳服時雖列三等之
裳而冠者正服必玄裳不待言也再加三加不言衣
以皮弁之色白爵弁之色赤而黹黑則衣冠同色不
待言也周頌絲衣其紆載弁俅俅則弁服皆絲亦不

欽定四庫全書

儀禮所記

待言也不言帶緇帶二加所同也不言屨後有明文

周頌孔疏云惟爵弁絲衣後儒從之皆據此經爵
弁純衣耳但三加皆不言衣以冠則衣用布弁則衣
用絲二弁同服不言可知若皮弁衣仍用布宜持大
以表之

徽皮弁冠擗筵入于房

初加入房服玄端爵韠以出則采衣委于房矣次加
服素積素韠以出則玄端爵韠委于房矣三加後徽

皮弁冠擗筵以冠者不復入房俟門內之禮終而後
易服也而再加三加後贊者捧緇布冠皮弁與擗並
奠于筵具見矣

贊者洗于房中

洗在北堂而曰房中者自房中入洗故裳其稱以此
推古之廟制北堂宜隅取東夾室之半而厭其北房
之東北隅有戶以通于堂然後祭之日主婦宗婦女
賓可自北堂入于東房鄭註北堂房中半以北賈疏

欽定四庫全書

儀禮所記

房無北壁故得堂名非也據以北僅兩架取一架以
為室房復隔房之半以為北堂則祭之日遵豆銅敦
具陳于此主婦宗婦及子婦秉事觀禮者畢集于此
主人且入獻內賓何所容其席位乎况無北壁則嚴
冬凜冽婦人豈能終日待事于此為此說者蓋未達
于士之廟皆有東西夾室耳室房所取惟一架亦隱
說非事禮之實也

側酌醴

凡尊必有玄酒惟冠獨陳醴故云側凡酌未有使人助者不宜言側蓋傳寫誤衍

冠者筵西拜受解實東面答拜

鄉飲酒鄉射主人乃鄉大夫州長賓其所蒞士民也故北面以答北以父之行爲賓而答子弟之拜故東面

冠者奠解于薦東

或醴或醢皆啐而不飲何也未見于尊親恐不勝飲

欽定四庫全書

儀禮集說

而或愆於儀即此示以成人之禮也

降筵北面坐取脯降自西階適東壁北面見于母母拜

受子拜送母又拜

冠者無見父之禮何也父爲主而親臨之故冠後無

庸更見即見贊者而不見賓之義也凡以爵相授受

必拜父不可與子爲賓主之禮故摯子于賓猶燕禮

君不可與羣下交駉而以屬宰夫也祭于廟中則父

可以答子之拜何也弟子之舉旅以廣神惠故長賓

長兄弟答爲嗣舉奠尸且答拜故爲上養而拜醕爵父亦答焉以示宗祫付託之重也父子主恩自孩提

以後視其寒燠而加之衣賜以餘滌而使之飲數數

然矣使親以冠加而醴之則習爲故常而無震動恪

恭之義不若使賢者臨之有所感發而是則是效也

子未拜送而母先迎拜何也肅拜也禮成於廟中故

迎拜以示宗祫之重而拜止于肅則雖無改俠拜之

儀而不爲過禮也

少儀婦人吉事雖有君賜肅拜其揖皆推見尊姑與祭缺爵皆傾惟

欽定四庫全書

儀禮集說

主夫及長子之喪與臨若夫人之喪耳

庶子之冠母答之無異禮何也

設長子元舍庶子無從故不容有異也凡內事主

婦位于房中冠則受脯於東壁何也將冠者房中南

面尊緇服陳于西牆贊者負火墻而立則無地以

位之其不可待于北堂何也三加畢贊者將入洗解

男子婦人無禮不相接祭之日主婦出獻賓祝佐食

主人入獻內賓義不容已故禮答爲冠子而母與贊

者數相而則義無取而禮與辭亦無可施是以出待

于闌門外也其不予內寢何也母喪疾則使人受脯于西階西階無受者而母不在東壁則疑于父存而母歿兩

人見姑姊如見母

不目其地何也姊必于母之寢姑必于大母之寢遭變則通焉不目其地然後辭約而義該不言妹文闕也兄弟姑姊妹皆見則伯叔父大父母不待言矣父歿而冠見伯父叔父而大父母無文亦此義也伯叔

欽定四庫全書

儀禮集說

父或異居則見君之後見于其家然後見于鄉大夫

鄉先生時義宜然

乃易服服玄冠玄端爵韠

弁服可攝而不可常也故易之而後出

乃禮賓以壹厭之禮

士惟祭備三厭鄉大夫賓興州長殺射雖國政賓不過一厭故冠昏不得踰也 註謂禮當作禮非也與昏禮醴婦于房中同義

贊者皆與贊冠者為介

此贊者謂主人之私臣也贊冠者賓之贊也篇首但列兄弟有司之位而不見衆賓蓋姻黨中行輩或來觀禮無多人當與兄弟列序其餘執事者皆有司也又于此見冠禮姻黨中尊行不與使與則宜特見衆賓之位

若不醴則醴用酒

欽定四庫全書

儀禮集說

周公制禮以宰制衆衆宜定一尊使知所遵循而或

醴或醢或殺牲或否並著于禮典疏以為夏殷之禮

非也五方之民異性循而習之者異俗修其教不易

其俗齊其政不易其宜聖人之道所以曲成萬物而

平易近民也或醴或醢因其國故焉爾或殺牲或否

稱家之有無焉爾

若殺則特豚豢合升

曰若殺則三醢之乾肉折俎非特殺明矣冠重禮也而醢之終乃加乾肉總一體則惟醢醢降及庶人禮

物尤殺是以比戶可行也若不殺即禮賓止脯醢乾肉而酬必用束帛儷皮又以見古人薄于飲食之奉而特重交際之禮也 註云明亨與載皆合升下文離肺實于鼎不宜預闌入載俎事疏云鼎直有升名俎則升載兩稱不過以經文連載與升曲為之解義無所取於氏以載為衍文乃定論也吉祭用右體虞祭用左體此合升益半用于冠者之俎半用于賓俎

三醢攝酒如再醢加俎齊之皆如初齊肺

儀禮所說

卷一

疏謂再醢之薦不徹三醢因之而加俎教氏謂不宜相因是也疏蓋因再醢不言徹薦三醢不言加運豆而臆為是說不知殺牲之再醢未言攝酒經乃遂承不殺之再醢而曰攝酒如再醢則再醢之徹薦三醢之更陳運豆皆包於其他如初內矣經文之簡而有法類如此

卒醢取運脯以降

有折俎而取運脯者執以見母濡肉非所宜且脯非

一脰可取其完者牲體則皆所齊之餘也

若孤子則父兄戒宿冠之日主人紛而迎賓

周官黨正凡祭祀喪紀昏冠飲酒殺其禮事掌其戒禁則有司宜與事者皆官紀之大夫士之子雖孤得用士禮有司皆本族中下士或共黨別族之士皆將冠者之等夷儔輩也故筮日筮賓為期可自主之若實則必其父行不可以不冠而與為禮故戒與宿必諸父諸兄主之直至冠之日然後紛而迎賓以接時

欽定四庫全書

儀禮所說

卷一

而加冠也 父兄可戒宿而不可迎賓何也未與賓接而自往戒不若父兄戒宿為安若為主而命冠則父之事不忍以諸父諸兄攝也故寧使孤子自為主而迎賓猶娶有日而父母死哀痛方深自致命于女氏不若伯父致命為安若饗婦而授之室則父母之事不敢以伯父伯母攝也故寧使老醴婦而饗則廢禮于阼

父在則冠于阼暫筮于主人之位以著代也醴醢于

戶西暫筵於客位以昭敬也孤子自為主人冠加于
阼而後就客位以受禮則義無所處矣故醴醢並於
阼禮有父母而賓客之者遣之包牲是也所以重孝
子之哀也有子孫而賓客之者冠之醴醢是也所以
責成人之禮也

若殺則舉鼎陳于門外

註疏孤子尊得伸盛禮非也孤子為主而以盛禮自
伸其尊非義所安或謂不忍仍父在之故地亦非也

欽定四庫全書

儀禮所說

鋪筵席設服陳器一仍其故而獨不忍于陳鼎乎蓋

鼎陳于門外賓燕之禮也冠而殺牲本為其子故不

敢陳于賓燕之地孤子自主冠則陳于門外示特殺

以盡敬于賓而非為已也不于賓燕之地以見情也

禮之忠質也于賓燕之地以義起也禮之敬文也其

他立于序端拜于阼階下乃義之不得復仍其故者

爾

若庶子則冠於房外南面遂醢焉

教氏謂此指父在者父歿則禮同似未安古者期之

兄弟未有不同宮者適兄在而庶弟冠于阼其義何
居觀庶婦之不饋則知庶子不得冠于阼矣必庶子
孤而無兄弟然後禮同于適耳

冠者母不在則使人受脯于西階下

不在或以疾或冠有期而歸視父母伯叔父兄弟姑
姊妹之疾或出而不肯改適以待夫之命或有期九
月之喪未卒哭不得反夫家也疏謂歸寧不應迫冠

欽定四庫全書

儀禮所說

期而歸教繼公謂出母如已改適或雖未改適而志

有他義不得受子之脯

某有子某將加布於其首願吾子之教之也

冠加二弁乃攝用有位者之服使冠者自砥于德行

道藝然是乃未然不可必之事故禮辭告賓但據緇

布冠以為言言不過物且使庶人可通用也故祝醢

之辭惟勉以德所以福壽皆貴賤所同

兄弟具在以成厥德

初加祝辭曰素爾幼志順爾成德略以冠而成人之義示之也再加曰敬曰淑曰慎內外交養樂善謹幾成德之實事也三加曰兄弟具在以成厥德修身以及家成己以成物所包之義益深以廣矣益必如是而後成人之德備也

始加元服兄弟具來孝友時格永乃保之

註詰格為至與具來義複敖氏云兄弟皆來乃汝孝友之德有以感格之無為不相戒勉而先漫為讚美

欽定四庫全書

卷一百一十五

二

之辭推經意似言兄弟具來汝必能以孝友相感格乃可永保同氣共族之恩耳凡人百行之敗多由兄弟恩薄大傷祖考心而睦姻任恤皆推之無其本矣故于始醮即此戒勉而再醮三醮惟祝其承福慶也祝辭則以是終而欲其薰成兄弟之德義更深遠矣屨夏用葛玄端黑屨青絢純純博寸素積白屨以魁拊之縹絢純純博寸爵弁纁屨黑絢純純博寸冬皮屨可也不屨總屨

退屨在後又不言設之之人所陳之地何也與冠事者多羣士主人之僚屬也冠可使之執服可使之設以屨頌焉則漬矣必主人之贊者陳服而別使御者置屨其人微不可登于典冊也不言其地既加冠適房易服而出則並易屨不待言矣

無大夫冠禮而有其昏禮古者五十而後爵何大夫冠禮之有公侯之有冠禮也夏之末造也天子之元子猶士也天下無生而貴者也繼世以立諸侯象賢也以官

欽定四庫全書

卷一百一十五

三

爵人德之殺也死而謚今也古者生無爵死無謚此首言大夫有冠禮之非次言諸侯之有冠禮見于夏之末造則虞夏以來諸侯之子必既冠成人能象賢而後立之以繼世殷周聖王革而正之久矣次言天子之元子冠用士禮則諸侯大夫別為冠禮之謬不待言矣然推其所由來則以諸侯世國而不論其賢大夫世官而不論其德故有不安于童稚者而為此愿禮耳繼世以立諸侯本為其能象先君之賢故誓